

世界書局印行



景印
摘錄堂

四庫全書卷要

集部
第四十七卷
四庫全書

世界書局印行

景印
摘藻堂

四庫全書薈要

集
第四
別集
類冊部

本冊目次

書名及撰人

卷次

頁次

盤洲文集八十卷附錄一卷 宋洪适撰

卷一至卷八十

三九四——

欽定四庫全書薈要

集部

盤洲文集卷一至三

詳校官助教臣謝登雋



欽定四庫全書薈要

盤洲文集

卷一

詩

卷二

詩

卷三

詩

卷四

詩

卷五

詩

卷六

詩

卷七

詩

欽定四庫全書

盤洲文集
目錄

卷八

盤洲雜詠

卷九

雜詠

山居二十詠

卷十

挽章

卷十一

內制

卷十二

內制

卷十三

內制

卷十四

內制

卷十五

欽定四庫全書

盤洲文集
目錄

二

內制

卷十六

內制

卷十七

內制

卷十八

內制

卷十九

外制

卷二十

外制

卷二十一

外制

卷二十二

外制

卷二十三

欽定四庫全書

盤洲文集
目錄

外制

卷二十四

外制

卷二十五

詞科習藁

卷二十六

詞科習藁

卷二十七

欽定四庫全書

詞科習藁

進卷

卷二十八

進卷

卷二十九

賦

銘

贊

偈

雜文

卷三十

記

卷三十一

記

卷三十二

記

卷三十三

欽定四庫全書

詞科習藁

碑

小傳

卷三十四

序

卷三十五

表

卷三十六

表

卷三十七

表

卷三十八

表

卷三十九

表

卷四十

表

欽定四庫全書

盛洲文集
目錄

卷四十一

章奏

卷四十二

章奏

卷四十三

章奏

卷四十四

章奏

卷四十五

章奏

卷四十六

章奏

卷四十七

章奏

卷四十八

章奏

欽定四庫全書

盛洲文集
目錄

卷四十九

章奏

卷五十

章奏

卷五十一

申省狀

書

卷五十二

啟

卷五十三

啟

卷五十四

啟

卷五十五

啟

卷五十六

啟

卷五十七

啟

卷五十八

啟

卷五十九

啟

卷六十

欽定四庫全書

通志文庫
目錄

八

啟

卷六十一

啟

卷六十二

題跋

卷六十三

題跋

卷六十四

經筵故事

策題

婚書

卷六十五

致語

卷六十六

致語

卷六十七

欽定四庫全書

通志文庫
目錄

九

致語

卷六十八

上梁文

卷六十九

青詞

卷七十

疏文

卷七十一

祝文

卷七十二

祭文

卷七十三

祭文

卷七十四

行狀

卷七十五

欽定四庫全書

盤洲文集
目錄

墓誌

卷七十六

墓誌

卷七十七

墓誌

卷七十八

樂章

卷七十九

樂章

卷八十

樂章

盤洲曲

臣等謹案盤洲集八十卷宋洪适撰适字景

伯都陽人徽猷閣待制皓之子紹興十二年

中博學宏詞科孝宗初為權直學士院累官

尚書右僕射同中書門下平章事兼樞密使

欽定四庫全書

盤洲文集
目錄

罷為觀文殿學士知紹興府卒諡文惠事跡具宋史本傳适以文學聞望為孝宗所拔擢其居相位僅三月而罷無所建明不能究其所學然家居十有六年以著述吟咏自娛史稱其近世備福鮮有及之者所撰隸釋隸續皆有本行世而文集妙見流傳惟明張萱內閣書目有盤洲集八十卷而王士禎居易錄謂竹垞鈔本止有詩十三卷則藏書家已久不能得其足本此為明毛晉汲古閣影宋抄本凡詩十卷文六十七卷樂章三卷篇什具全悉符原數洵罕覩之珍笈也适詩文雅令皆有法度制詞尤工贍得體固不獨其弟邁容齋三筆所舉張浚免相王太寶致仕諸制為警策可觀王士禎又以其和景廬野處解嘲詩但字下注平聲而謂其精說文之學蓋其博洽雖不及邁而文章實相匹敵當時兄

弟齊名庶幾無愧集未有許及之所作行狀周必大所撰神道碑及拾遺劉子三篇第三篇已缺其尾無從核補今亦姑存其舊云乾隆四十三年二月恭校上

總纂官臣紀昀臣陸錫熊臣孫士毅
總校官臣陸費墀

欽定四庫全書薈要卷一萬五千七百五十一

集部

盤洲文集卷一

宋 洪适 撰

詩四十六首

擬古十三首

行行重行行

行行重行行南北各倦游昔人重別離一日嗟三秋如
何三秋暮相見尚悠悠方寸正紆軫何以寫我憂仰瞻
衡漢移俯對蘭菊遂臭味雖云同光塵若為異迴風淒

欽定四庫全書

盤洲文集
卷一

且發飄我別時袂欲知長相思披衣不勝體

青青河畔草

青青河畔草英英籬邊菊雅雅當牕女濯濯手如玉淵
淵錦中意粲粲未盈幅藁砧天一涯刀頭誤行卜卻鑑
怨新眉誰教遠山綠

青青陵上柏

青青陵上柏棼棼庭中竹人壽能幾何譬彼雷過目一
觴命暄交且以慰心曲駕言長安游川光晨可掬神州

何赫戲高城矗延屬嶢榭干星斗雕栢錯珠玉鱗鱗王
公第華纓夾繡轂放懷恣樂虞端憂竟誰逐

今日良宴會

今日良宴會朋簪故人家搖情綠綺琴度曲漁陽撾放
歌掀醉髯晤語粲春葩列坐各知心游揚相齒牙芬芳
須及時東扶忽西斜胡不厲逸翮天津問仙槎無為甘
寂寞痼疾守煙霞

西北有高樓

欽定四庫全書

盤洲文集
卷一

二

西北有高樓偃蹇軼千門綺櫳納飛月璧璫礙翔雲上
有絃歌女哀聲啟鶯唇誰能為此曲無乃返香人一章
三致意修蛾有餘顰不惜饒清響暗驚梁上塵所悲聽
者心中無涇渭分願作南冥鳥夕飲玉池津

涉江采芙蓉

涉江采芙蓉芳蕤蔭幽沚相思不相見芬香欲誰遺秋
容感人心浪浪睽涵淚不如膝上琴哀音入君耳

明月皎夜光

明月皎夜光瑟瑟扇商籟衡紀直西躔雲章斜左界感
彼林薄凋歲律倏云邁蜻蛉誰汝憐悽悽鳴戶外昔我
耐久朋著鞭道方泰慰藉繒縞輕金蘭舊盟改東井不
及泉須女無壽配君看貢公蔡白頭愧傾蓋

冉冉孤生竹

冉冉孤生竹成陰幽谷中聿來君子室葛藟施喬松喬
松千百尋攀附猶可窮思君江水深寒裳往難從同心
而偏棲愧彼摩霄鴻灼灼芙蓉花凌波媚芳風非不努
力愛秋至無歸鴻昔盟倘不寒誰歎久西東

欽定四庫全書

蘇州文集

三

庭前有奇樹

庭前有奇樹黃鳥巢其枝之子不顧返失此熙春期采
采未盈朞夕風已紛披路遠悵莫致雖多亦奚為

迢迢牽牛星

迢迢牽牛星奕奕停梭女尋盟整瑤轡絨情遵漢渚欣
讌未斯須別愁眉已度黃月不我留殘機忍重顧翻羨
巫山雲朝朝楚王遇

人生不滿百

人生不滿百蟪蛄等春秋花月多風雨何不蠟屐遊朱
光忽以馳退舍未易留生前一杯樂難與昧者謀臨流
羨芳芷歡言泛輕舟

孟冬寒氣至

孟冬寒氣至衝風一何厲宿楚失故陰思蟲柱上哀喙
客來門冬冬袖有尺書遺一讀淚先零再讀心已醉妾
如初開花君如長流水花挽水回難水捐花去易流水
何時休春榮難久恃

欽定四庫全書

蘇州文集

四

明月何皎皎

明月何皎皎舒光瑩憲綺宛轉羞空床披軒步庭際故
愛同一心新愁今兩耳咫尺相會難迢迢若千里況復
千里隔憂端無窮已

謝洪慶善提刑遺法帖

紛紛渴驥競秋蛇鐫鑱收拾俱名家吾宗尺牘擅天下
年來野鷺誰肩差庭前書帶凝寒綠架上牙籤富新軸

中藏墨妙更奇奇長物不留沾賸發生平小楷拘蠅頭
豈知蠆尾與銀鈎從今已歎筆成塚學奇還許登門不
春思

自聞郊外景多病負年光沐雨桃容膩耽春蝶興狂幽
期知我背避日為誰長一枕虛牕寂爐烟續舊香

晚望

古堞高亭暮登臨遠眺時菊房棲渥露荷蓋偃清漪遵
渚歸鴻集投林嘯狖悲關情聊繪句獨立自遲遲

欽定四庫全書

盤洲文集
卷一

五

欲雨

雨意泄琴床桃笙驟覺涼衝颼方賈勇藻景薦韜光去
室憐鳩婦封閭看蟻王青燈可吾伴黃卷任更長

客至

閉關聽剥啄有客款蓬蒿譚壘萬人敵詞源八月濤園
蔬供菜甲盤食鉅桃毛冷淡琴書味由來屬我曹

秋懷二首

送喜得新涼秋情未慙忘弱枝紅皺重平野碧滋長林

迴蟬初亂籬疎菊自芳吟成轉蕭瑟徑醉任蒼蒼
愁緒苦縈人寒蟬殆巨聞瓜疇殘蔓去蘭畹秀蕤薰遠
水涵秋態餘霞冠夕曛揚揚今夜月獨與廣庭分

送人之姑蘇

吳門千里役別話不堪聞暫發參商歎長懷星斗文菊
叢黃彩亂槐路綠行分日冀書郵至冥鴻接暮雲

送吳傳朋知盱眙

龜山其下古淮壖上駟駸駸穩著鞭千里八年開皂蓋

欽定四庫全書

盤洲文集
卷一

六

九重一旦下青氈名郎他日曾趨禁靜鎮今朝疊典邊
簪筆侍書公雅意薰風殿閣待誠懸

方福州生日行

雪峰高高雪如許海門潮生浪吞浦郎罷攜罔街西東
到處歡然聞好語舊日大官多養高民詞獄寄充官曹
橫行阡陌喧夜鼓唯征關市析秋毫只今事事無長蠹
五月政成歌召父尺一方來問鳳儀魁三快刷聯鴛羽
三山茂業摩曾空便是方丈蓬瀛中他年圖畫凌烟了

却向山中訪赤松

謝唐守送朱櫻二絕句

鈴齋一樹滴堦春
翻走髹盤贈野人
欲進麴生呼伯雅
却無樊素啟丹唇

乳酪醍醐僻郡無
多酸梅子豈吾徒
香擎翠籠青冥出
舊事從誰說上都

荅林神童

快觀終童英妙時
覓然銜袖出明璣
家聲不說大哉問

欽定四庫全書

盤洲文集

七

文律何愁知者希
益利鋒鋦臨大敵
養成羽翼看高飛
紅塵可厭忙車馬
挹取西山爽氣歸

海棠花二絕句

雨濯吳粧膩
風催蜀錦裁
自嫌生較晚
不得聘寒梅

金城

記黎舉常云欲令梅聘海棠
子臣櫻桃及以芥
嫁笋但恨時不同然壯丹醺
醺楊梅把盞為友

鴨殼非難致
鮫胎業已成
夜深寧覓睡
相照月偏明

張寶

瑞香花

就印錄寶使子弟常巡市乞取雞鴨卵殼雞卵以煮藥
鴨卵以金絲織海棠花名鮫胎蓋醉後畏酒時多用之

衮衮香毬次第開
結根幽獨謝紛埃
芳容妬入鴛鴦社
異馥清傳錦繡堆
睡裏魂交非自衍
醒時心賞可無猜
品題盡在春林右
不是花王喜後來

題信州吳傳朋郎中游絲書

上饒賸俗醇
且古千室鳴絃方
按堵黃堂丈人今
循良河南治平追
鼻祖訟棠留景分
清陰爐篆方羊燕
寢深笑談了却邦
人事游戲翰墨惟
書林自從真行易
篆隸草聖書絕馳
極摯游雲驚龍初
振奇渴驥怒猊爭
作勢

欽定四庫全書

盤洲文集

八

臣中第一茲謂誰
寥寥典則其幾希
丈人尺牘妙天下
咸去收拾生光輝
作古要須從我始
直欲名家自成體
手追心摹前無人
一掃塵蹤有新意
縱橫經緯生胸中
落紙便與游絲同
縑囊繭車飛白雪
纖簷蛛網破清風
一行一筆相聯屬
姿態規撫駭凡目
臨池漫勞三十年
千兔從教後人禿
舊聞呂向連錦書
百字環寫紫髮如
惜哉泮汨已無考
盍使北面稱臺興
獨步不復名相甲
端恨二王無此法
只今四海書同文
使者來求至將押

雪詩用晁無咎韻

密雪舞冬晝祁寒反夏炎竹枝低未濕梅萼瑩先雪怯
冷昂肩立欣繁矯首瞻隨風方北渡際海必東漸軒簸
來如摻繽紛勢轉巖枯茲新點綴曲砌巧爭添伺隙花
穿戶承隅著插簷高飛迷皎鶴夜影逼清蟾砧淨綃橫
石牕虛粉雜匳岷丘千壁碎武庫五兵飭烟徑楊吹絮
香蹊蝶奮髯鯨鯢陸骨腐鵠鷺野翎燭白髮秦人遯龐
眉漢尉潛漬蠶功孰及平地瑞初占害卧行人節門局
志士恬已甘穿履困奚避割鵲嫌醉慕雙螯畢寒懷五
袴廉飄飄疑空闕刻畫謝無鹽河濶凝新浪峰高失舊
尖山陰賓欲返淮右寇將殲穉滿三章著宣溫五板兼
君恩捐衛粟天意絕齊痞江上策堪畫籬間警可覩客
觀眸已眩兒咀手頻拈足沒尋萱屐腰閒刈霍錄馬馳
毛愈素烏啄首難點凍折騷人筆光臨織婦幃蟬年寧
待去疫癘詎煩砭甲長寒蔬細根肥宿麥纖年豐雖欲
頌神助愧江淹

欽定四庫全書

盟洲文集

九

前韻雖險用之未盡撮其餘復成三百言

一苦寒威重清晨雨脚靈嚴風號宇宙霏雪下閭閻布
地鹽初撒穿帷粉乍黏裴回輕點袖縈積滿盈檐騁巧
飄雖急垂危勢或沾梨花芳小圃桂魄射疎簾煙濕茶
翁竈竿低酒舍帘清泉埋沼汙蒼幹聳梗枿玉西齊君
履銀封魯國簷盆收新琢壁堦展未裁纖木杪疑飛絮
江干雜秀蕪正隨雲陣合未放日光遲處壯山屠虎高
興澤殢蚶重巔聞折木邃野絕飛鷗隼擊翎添厲鱗藏
口敢噉狼隨姬穆駕鵲集叔才苦授簡詞臣敏乘車海
若謙漢傳王母絳周貢嶠丘何切山甜王峻師方整高昌衆
欲燭漢光開帝業蘇烈貫兵鈴豹曳荆人烏牙抽孫子
籤膚寒方起粟手圻正憂臚挾纊冬裘燠傾壘夜飲厭
寒光欺寶鑑素質奪朱綬犬喜蹄方逞兒餐舌未指梅
林催皚皚麥壠長斬斬置兔難探穴叉魚已溉鷺鴒蹲
飢愈噪馬縮凍難相見現將消釋歌詩興倭儉妍辭慚
謝客詎敢示羣僉

欽定四庫全書

盟洲文集

十

用雪詩韻謝三外弟見和

我昔橋李寓君方錫山潛欲馳咫尺書缺足無飛廉相
望參與商引首徒遐瞻竭來萍梗蹤遠野得茅簷獲與
譚壘接何詢龜筮占青山整煙鬟澄波開鑑奩喬松與
怪柏如虬老龍髯悠然一望間野色皆可覘范甌飛埃
塵墨突寒不黔好友豈厭頻雞黍供炊爨外家三遺珠
脫穎皆囊尖交情謝流俗不問涼及炎著鞭挹清風從
者屢我淹高論極根源師友識所漸大略摧治忽細談
析毫纖皮裏有陽秋褒貶追齊職古稱學如殖秋成觀
執鋤吾匪董夫子家居下帷幃言經雖敗績寧妨整冠
嫌拙軋強成章句鄙不任拈翫散且艱疵瑕費鍼砭
君詩粲珠琲光焰古人無詎覆滄父酒不道胡兒鹽陳
檄愈頭疾杜詞却寒瘧輕鱣邊幅富健筆銛銛語句
既道麗格律何森嚴我窮思已竭君方涌泉添三峽爭
倒流未肯波瀾恬短才愧非匹尚期膏馥沾吟罷覺夜
永明憲耿孤蟾

欽定四庫全書

龍洲文集

上

讀秦本紀

應侯一語幽宣后長信蒙辜徙貧陽秦室無親類景鏡
借箕詬語亦其常

侯公

淮陰東手九江閒誰信功成頰舌間不惜鴻溝分二國
太公今日得生還

楚懷王

武關謀詐却稱臣冤魄游魂尚在秦墓木蕭條冢猶濕

欽定四庫全書

龍洲文集

上

流聞其子作昏姻

讀戰國策

折足黥徒未易欺簣中死士亦何為魏齊斷首麗涓死
禍報由來不可知

讀召公世家

齊晉瓜分四國王嬴秦為呂芊為黃六雄當日皆新主
獨有甘棠澤未亡

穰侯

推轂曾聞薦武安
威伸三晉走荆蠻
廁中大珣圖撲奪
猶道藏兵不出關

田單

齊主輕忘在莒時
解裘淄水遽相疑
若無貂勃明勲業
幾使功臣枉見夷

長平

一敗長平振古無
趙邦臣主亦何愚
當時已中馮亭計
猶自區區遣鄭朱

欽定四庫全書

魏州文集

十三

春中君

珠履三千盡在門
爭無國士解銜恩
棘門難作無遺類
死黨寧聞報李園

題陳體仁判官休齋

翔纓影組盍中留
綠水芙蓉且漫游
過耳從教千不是
處心渾欲一宜休
爐中典馥非多愛
架上新籤弗外求
寂寂掩扉何所事
飽聽風竹韻涼秋

次韻陳體仁惠詩并示遊山詩卷

人生名利場羈絆無休假
沈迷鴈鷺行夢寐雞豚社
見謂游子欺更妨官長罵
何如山中樂松牕肆嘉話
陳侯青雲客英聲蜚日下
當年金馬門掉鞅示閒暇
小試芙蓉池未整驪駒駕
台嶽十日行樛蘿若相迓
來歸探古囊篇篇可圖畫
傾耳金石聲鄭衛敢爭霸

次韻李舉之縣丞秋日偶成

當年使節反穹廬
解綬歸來得少娛
底事微官又縈縛
強顏文墨受意烏

欽定四庫全書

魏州文集

十四

朝來傾耳得街談
頗說塵容亦可慙
從事未知三尺守
醉心空向六經酣

官途陸陸未回車
秋桂春蘿總負渠
目送飛鴻千里去
故山應草絕交書

筆底淵源萬頃多
卷中句法不隨波
覃思正作青雲計
寡和聊成白雪歌

次韻題謝景思少卿藥寮

壯歲揮金邁二疏
眼看餘子伏鹽車
芷蘭清馥渾紉佩